



OFFICE OF THE GOVERNOR

EXECUTIVE ORDER (TXOJ CAI YUAM) #90

**Txuam Nrog Kev Plov Meej Txog Kev Kub Ntxhov Rau Pej Xeem Huab
Hwm Txoj Kev Noj Qab Haus Huv**

XWS LI, SARS-CoV-2 yog ib tug kab mob hlab ntsws uas tsim muaj cov kev mob rau cov ntsws thiab cov hlab pa saum hauv siab;

XWS LI, SARS-CoV-2 tsim muaj tus kab mob COVID-19, uas yeej paub lawm tias nws tsim muaj cov kev cov nyom puas rau ntau cov khoom nruab nrog cev, xws li hlab plawv o, los sis cov nqaj leeg plawv o, thiab cov teeb meem rau hlab hlwb xws li hlab ntsha hlwb tawg;

XWS LI, vim SARS-CoV-2 yog ib tug kab mob tshiab, thiaj tseem tsis tau nkag siab meej txog cov kab mob kev nkeeg muaj mus ntev los ntawm tus kab mob COVID-19, tiam sis peb yeej nkag siab zoo zuj zus txog tus kab mob thiab yeej paub zoo tshaj ntxiv txij li thaum plov meej cov kev mob kub ceev dhau los;

XWS LI, ib tug tib neeg yeej muaj mob taus tus kab mob SARS-CoV-2 txawm yog tsis pom muaj cov kev mob tshwm sim ntawm nws hlo li. Kev sib kis kab mob los ntawm cov tsis pom muaj cov kev mob tshwm sim los sis ua ntej pom muaj kev mob tshwm sim, yog thaum cov tib neeg hnov zoo neej thiab zoo li yeej noj qab haus huv kis tau tus kab mob rau lwm cov neeg, nws yog lub zog ntawm tus kab mob kis thoob ntiaj teb COVID-19, thiab tsim muaj ib txoj kev nyuab heev los txo kom txoj kev sib kis tus kab mob qeeb;

XWS LI, SARS-CoV-2 puav leej tsim muaj ib tug kab mob loj heev rau cov me nyuam hu ua Multi-System Inflammatory Syndrome in Children (MIS-C). Txawm tias cov me nyuam uas muaj tus kab mob COVID-19 huam pom cov kev mob tshwm sim tsawg thiab tom qab twb khees lawm los yeej muaj feem tsawg tsawg tus yuav tsim muaj taus tus kab mob loj heev uas raug mus pw kho los sis tuag taus. Muaj coob tshaj 100 tus me nyuam tuag los ntawm tus kab mob COVID-19 hauv Teb Chaws Asmeskas thaum 2020 thiab hauv Wisconsin muaj kaum ob tug tau tus mob MIS-C;

XWS LI, COVID-19 tsis yog tus khaub thuas flu. SARS-CoV-2 yog ib tug kab mob txaus ntshai heev tshaj thiab tua neeg tuag zoo tshaj tus kab mob influenza. Thaum lub caij mob khaub thuas flu hauv 2019-2020, muaj 36,175 tus neeg tau tus kab mob influenza hauv Wisconsin, 4,425 tus raug mus pw kho khaub thuas flu, thiab 183 tus tuag, xam nrog peb tug me nyuam tib si. Kwv yees li ntawm 0.1% cov tib neeg kis tau tus kab mob influenza tau tuag. Muab sib piv, txawm yog lub caij ntuj so thiab muaj caij rau cov kev sib sau ua ke tawm rooj, peb twb yeej pom muaj tag nrho yog 102,498 tus neeg mob COVID-19, 6,692 tus raug mus pw kho COVID, thiab 1,244 tus neeg tau tuag vim yog COVID-19 los txog txij rau lub Cuaj Hli Ntuj Hnub tim 21, 2020. Nws tsuas siv sij hawm li plaub lub lim tiam xwb, COVID-19 tua cov pej xeem hauv Wisconsin coob tshaj li tag nrho lub caij nyoog khaub thuas flu hauv xyoo 2019-2020. Kwv yees tias tus kab mob COVID-19 tua neeg tuag coob tshaj tus kab mob khaub nthuas influenza mus lawm 10 npaug;

XWS LI, feem ntau ntawm cov kab mob hlab ntsws, nrog rau tus kab mob influenza thiab cov kab mob khaub thuas coronaviruse, pom muaj mob coob tshaj plaws hauv Wisconsin rau thaum lub caij nplooj ntoos zeeg thiab thaum

pib lub caij ntuj tshiab. Yog tias tus kab mob SARS-CoV-2 kis raws li qhov xeeb ceem no, ntshe yuav pom muaj cov neeg mob COVID-19 coob heev tshaj plaws rau thaum cov hli hauv lub caij ntuj no;

XWS LI, thaum thawj peb lub hlis muaj tus kab mob kis thoob ntiaj teb, (xws li Peb Hlis-Tsib Hlis ntuj), thaum muaj cov kev cai yuam tsis kheev neeg sib sau ua ke coob thiab Nyob Hauv Tsev Nyab Xeeb Tshaj, Wisconsin tau muaj txog 20,000 tus neeg mob COVID-19; tiam sis, tom qab cov kev cai yuam ntaug lawm, muaj 20,000 tus neeg mob tshwm ntxiv hauv rau lub lim tiam thiab muaj 20,000 tus neeg mob ntxiv hauv peb lub lim tiam tom qab ntawd;

XWS LI, txoj kev tawm tsam rau txoj kev sib kis mob coob heev no, lub xeev yuam kom looj ntaub npog ntsej muag txij li thaum lub Xya Hli Ntuj Hnub tim 29 thiab cov kev muaj kab mob pib nqis zus rau lub Yim Hli Ntuj, uas muaj 20,000 tus neeg mob hauv plaub lub lim tiam thiab pom cov neeg mob ib hnub twg ntawm 1,062 tus thaum Yim Hli Ntuj Hnub tim 1, nqis mus rau 678 tus thaum lub Yim Hli Ntuj Hnub tim 31; tiam sis, thaum kev kawm ntawv rov qhib rau qib K-12 thiab cov neeg kawm ntawv qib siab thiab cov chaw kawm ntawv qib siab, txoj kev kab mob nqis no rov nce mus muaj 20,000 tus neeg mob tshwm rau hauv ob lub lim tiam twg nkaus xwb;

XWS LI, ib txoj kev tshawb kawm ntsuas los ntawm Academy of Medical Sciences tau kwv yees pom tias yog tsis tswj heev tiag thoob plawv txhua txhia qhov chaw, thaum txog lub caij ntuj no yuav los no ntshe yuav pom muaj tus kab mob COVID-19 ob los sis peb npaug coob heev tshaj thawj zaug tus kab mob kis thoob ntiaj teb thaum lub caij ntuj tshiab hauv 2020;

XWS LI, ntxiv rau cov caij ntuj zeeg hloov zus, lub caij nyoog khaub thuas mob influenza thaum txog caij nplooj ntoos zeeg yuav yog ib lub sij hawm muaj teeb meem loj rau txoj kev kho kab mob kev nkeeg, uas twb ntxhov siab txaus rau tus kab mob COVID-19 lawm;


XWS LI, tam sim no Wisconsin ntsib tus kab mob kis thoob ntiaj teb COVID-19 coob tshaj plaws hauv ib hnub twg uas yog muaj 678 tus neeg mob thaum lub Yim Hli Ntuj Hnub tim 31 nce mus rau 1,791 thaum lub Cuaj Hli Ntuj Hnub tim 21, uas yog nce lawm 260 fem pua hauv peb lub lim tiam;

XWS LI, txoj kev muaj mob coob heev tuaj no yog vim muaj lwm cov xwm tshiab uas tsis tau muaj dhau los, qhov sib kis muaj coob tshaj ntxiv tuaj yog vim txoj kev rov qhib kawm ntawv rau qib K-12 thiab kev kawm ntawv qib siab, uas pib rau thaum los sis xws li lub Cuaj Hli Ntuj Hnub tim 1, thiab cov neeg hnub nyoog 18-24 xyoos muaj kab mob coob heev;

XWS LI, hauv thawj peb lub lim tiam ntawm lub Cuaj Hli Ntuj, pom neeg mob COVID-19 coob tshaj plaws txij li thaum kab mob pib kis thoob ntiaj teb los;

XWS LI, 63 lub cheeb koog ntawm 72 lub hauv Wisconsin muaj kev nyhav siab heev txog kab mob tam sim no, txhais tau tias muaj mob coob tshaj 100 tus ntawm 100,000 tus tib neeg hauv ib lub caij nyoog ob lub lim tiam twg ntawm 15 lub cheeb koog, uas txhais tau tias yog nce mus ua ib txoj kev nyhav siab tshaj plaws txog kab mob vim yog muaj coob tshaj 350 tus neeg mob ntawm 100,000 tus neeg twg hauv ib lub sij hawm ob lim tiam twg. Qhov no yog muab sib piv rau 43 lub cheeb koog uas muaj kab mob nyhav siab heev, tsuas yog 3 lub cheeb koog thiaj muaj kev nyhav siab heev txog kab mob thaum lub Xya Hli Ntuj Hnub tim 29, 2020. Lub koom haum Harvard Global Health Institute ntsuas pom tias cov qib kab mob uas nce no coob tshaj li kev muaj peev xwm ceev tau txoj kev sib kis tus kab mob uas yuav tsum yog muaj cov kev tswj nruj heev tshaj plaws thiaj li yuav ceev tau;


XWS LI, thaum lub Cuaj Hli Ntuj Hnub tim 17, 2020, ntsuas pom muaj 2,034 tus pej xeem Wisconsin mob COVID-19 coob heev hauv tib hnub. Hnub tom qab, lub Cuaj Hli Ntuj Hnub tim 18, rov qab ntsuas pom muaj 2,534 tus pej xeem Wisconsin mob coob heev ntxiv dua;



XWS LI, txoj kev rov qab qhib kawm ntawv tim ntsej tim muag hauv cov tsev kawm ntawv qib K-12, tau muaj tsawg kawg yog 76 lub tsev kawm ntawv qib elementary, qib nrab, thiab qib high school thoob plaws hauv lub xeev raug kev tshawb fawb;

XWS LI, txoj kev neeg tuaj mus sib poo ua ke coob tuaj hauv cov chaw kawm ntawv yog ib qho xwm txheej tseem ceeb ntawm cov kev sib kis kab mob hlab ntsws. Cov tsev kawm ntawv yuav mus sib kis ntxiv rau hauv cov zej zog neeg thaum lub caij nplooj ntoos zeeg yog tias tsis muaj kev ceev kom nruj heev tiag;

XWS LI, txoj kev sib kis kab mob coob heev tuaj hauv Wisconsin yog feem ntau ntawm cov neeg muaj hnub nyoog 18-24 xyoos, uas muaj mob coob tsib npaug siab tshaj plaws lwm cov pab pawg neeg;



XWS LI, lub sij hawm uas muaj mob coob heev tshaj tuaj no yog thaum cov neeg kawm ntawv rov qab mus rau hauv cov chaw kawm ntawv qib siab, muaj pov thawj pom tias cov chaw kawm ntawv, tshwj xeeb yog cov vaj tse uas neeg kawm ntawv nyob rau thiab cov chaw uas cov neeg hluas kawm ntawv qib siab mus sib poo nyob ua ke rau, yog feem loj tshaj plaws ntawm txoj kev sib kis tus kab mob;


XWS LI, thaum ib nrab lub Cuaj Hli Ntuj, muaj yim ntawm 20 lub zos yog cov muaj neeg mob COVID-19 coob ceev tshaj plaws hauv Teb Chaws Asmeksas uas hauv Wisconsin yog: La Crosse, Whitewater, Green Bay, Beaver Dam, Oshkosh, Platteville, Appleton, thiab Madison;

XWS LI, cov chaw kawm ntawv qib siab muaj nyob thoob plaws hauv lub Xeev Wisconsin. Ntawm yim lub zos hauv Wisconsin muaj neeg mob COVID-19 coob ceev tshaj plaws hauv lub teb chaws, rau lub ntawd muaj cov tuam tsev kawm ntawv qib siab University of Wisconsin: La Crosse, Whitewater, Green Bay, Oshkosh, Platteville, thiab Madison;

XWS LI, feem coob ntawm cov tuam tsev kawm ntawv qib siab University of Wisconsin npaj yuav hloov tag nrho txoj kev qhia ntawv tim ntsej tim muag mus rau txoj kev qhia ntawv hauv tshuab hluav taws tom qab lub caij so rau Thanksgiving, xws li UW-Oshkosh, UW-Platteville, thiab UW-Madison, yuav tsum tau muaj cov kev ceev txoj kev sib kis tus kab mob ntawm cov chaw kawm ntawv mus rau cov zej zog neeg ua ntej yuav so thaum Thanksgiving;

XWS LI, cov neeg kawm ntawv qib siab hauv cov college thiab university yog cov muaj feem kis tau tus kab mob COVID-19 mus rau lwm cov pab pawg neeg heev tshaj vim yog cov neeg 18-24 xyos txoj kev mus los, xws li kev mus rau hauv lub tsev kawm ntawv los sis lub zej zog uas muaj lub tsev kawm ntawv qib siab college los sis university. Ntxivv mus, cov neeg kawm ntawv yuav tawm ntawm cov chaw kawm ntawv rov qab mus tsev thaum txog Thanksgiving uas muaj feem kis tau kab mob zoo tshaj yuav yog ib txoj kev txaus ntshai rau txhua lub cheeb koog hauv lub Xeev Wisconsin;

XWS LI, cov qib kis kab mob coob ntawm cov neeg 18-24 xyos yuav muaj feem xyuam rau lub xeev thoob plaws. Tam sim no, 71 ntawm 72 lub cheeb koog kis muaj kab mob coob, txhais tau tias, ua ke tag nrho yog muaj kev nyhav siab thiab kis muaj kab mob coob heev tshaj, thaum muab sib piv rau 61 lub cheeb koog hauv lub Xya Hli Ntuj Hnub tim 29, 2020:



Xya Hli Ntuj Hnub tim 29, 2020

Cuaj Hli Ntuj Hnub tim 16, 2020

XWS LI, lub Xeev Wisconsin raug muab cais ua seven healthcare emergency readiness coalition regions (xya cheeb tsam npaj kev kho mob kub ceev) (cov cheeb tsam HERC), uas tswj xyuas kom cov chaw kho mob rau laj mej pej xeev, cov tuam tsev kho mob, thiab koom haum xub tawm mus pab tawm tsam li cas rau cov kab mob kub ceev thiab cov xwm txheej puas ntsoog;

XWS LI, cheeb tsam HERC Qaum Xeev Sab Hnub Poob muaj 10 lub tsev kawm ntawv qib siab college los sis university; cheeb tsam HERC Qaum Nruab Nrab Xeev muaj 9 lub tsev kawm ntawv qib siab college los sis university; cheeb tsam HERC Qaum Xeev Sab Hnub Tuaj muaj 9 lub tsev kawm ntawv qib siab college los sis university; cheeb tsam HERC Sab Hnub Poob muaj 3 lub tsev kawm ntawv qib siab college los sis university; cheeb tsam Fox Valley HERC muaj 5 lub tsev kawm ntawv qib siab college los sis university; cheeb tsam HERC Nruab Nrab Qab Xeev muaj 14 lub tsev kawm ntawv qib siab college los sis university; thiab cheeb tsam HERC Qab Xeev Sab Hnub Tuaj muaj 40 lub tsev kawm ntawv qib siab college los sis university;

XWS LI, txij thaum lub Cuaj Hli Ntuj Hnub tim 21, cov chaw kawm ntawv qib siab university thiab college hauv txhua cheeb tsam HERC tau ceeb toom txog ntau cov neeg kis muaj kab mob thiab raug muaj kev tshawb fawb txog cov kev sib kis kab mob nyob rau hauv cov tsev kawm ntawv qib K-12 ntau tshaj 70 zaus lawm;

XWS LI, txij li thaum lub Cuaj Hli Ntuj Hnub tim 21, txhua cheeb tsam HERC hauv lub xeev tau muaj kev sib kis kab mob coob tshaj. Thaum lub Xya Hli Ntuj Hnub tim 29, 2020, tsis muaj ib cheeb tsam HERC tau ntsib kev nyhav siab txog kab mob (xws li coob tshaj 350 tus neeg mob ntawm 100,000 tus neeg twg hauv ob lub lim tiam dhau los). Thaum Cuaj Hli Ntuj Hnub tim 21, peb ntawm xya lub cheeb tsam HERC tau ntsib kev nyhav siab txog kab mob heev tshaj plaws;

XWS LI, thaum lub Cuaj Hli Ntuj Hnub tim 16, 2020, Dr. Robert R. Redfield, thawj coj ntawm Centers for Disease Control (Cov Chaw Tswj Kab Mob), tau faj seeb rau Teb Chaws Asmeskas fab nom tswv Congress paub tias yuav tsis muaj qhov tshuaj tiv thaiv tus kab mob COVID-19 txaus rau laj mej pej xeeb kom txog lwm xyoo lub caij ntuj so; thiab

XWS LI, kom tiv thaiv tau txoj sia thiab txoj kev noj qab nyob zoo ntawm cov pej xeeb Wisconsin, Wisconsin yuav tsum tau raus tes ceev txoj kev sib kis tus kab mob kom nruj heev tiag, tshwj xeeb yog ntawm cov neeg hluas.

TAM SIM NO MUS, YOG LI, KUV TONY EVERS, Hau Xeev Governor ntawm lub Xeev Wisconsin, raws li txoj cai kuv muaj los ntawm Constitution (Tus Txhooj Cai) thiab cov cai hauv lub xeev no, thiab tshwj xeeb yog Cov Ntu 321.39, 323.10, 323.12 thiab 323.13 hauv Wisconsin Statutes (Cov Cai), ntawm no:

1. Plov meej tias muaj txoj kev kub ntxhov rau pej xeeb huab kwm txoj kev noj qab haus huv, raws li txhais los ntawm Ntu 323.02(16) hauv Wisconsin Statutes (Cov Cai), teev muaj rau Xeev Wisconsin.
2. Xaiv Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) los ua lub koom hawm coj kev tawm tsam txoj kev kub ntxhov rau pej xeeb huab hwm txoj kev noj qab haus huv thiab coj lub Tuam Tsev mus ua txhua yam tsim nyog thiab hauj sim los tiv thaiv thiab tawm tsam tus kab mob COVID-19.
3. Mub kev tso cai rau tus Adjutant General (Thawj Tswj Ceev Xwm) qhib Wisconsin National Guard (Chaw Saib Tiv Thaiv Teb Chaws) kom ua hauj lwm li tsim nyog thiaj hauj sim los pab txhawb lub Xeev txoj kev kub ntxhov rau pej xeeb huab hwm txoj kev noj qab haus huv, xws li muab kev pab txhawb rau cov neeg khiav dej num thaum Kaum Ib Hlis Ntuj Hnub Tim 3 kev xaiv tsa rau laj mej pej xeeb thiab cov neeg khiav dej num ntawm cov chaw ntsuas kab mob rau zej zog neeg thoob plaws hauv Wisconsin.
4. Cob kom tag nrho cov koom haum khiav dej num hauv lub xeev pab txhawb raws li tsim nyog rau lub Xeev txoj kev tawm tsam txoj kev kub ntxhov rau pej xeeb huab hwm txoj kev noj qab haus huv.
5. Raws li Ntu 323.10 hauv Wisconsin Statutes (Cov Cai), Txoj Kev Kub Ntxhov Rau Pej xeeb Huab Hwm Txoj Kev Noj Qab Haus Huv no yuav kav mus txog 60 hnub, los sis tus Hau Xeev Governor rho tawm los yog muaj kev sib koom daws teeb meem los ntawm Xeev Wisconsin Fab Nom Tswv Legislature.

NYOB RAU TXOJ KEV TEEV TAUM LUS TIAS, ntawm no kuv nias tes thiab nias lub Thwj Xeev Wisconsin ruaj rau. Ua tiav nyob ntawm (Capitol) Tseem Fwv Tsev Hauj Lwm hauv Nroog Madison rau hnub nees kaum ob hauv lub Cuaj Hli Ntuj thaum xyoo ob phav nees nkaum.



TONY EVERS
Hau Xeev Governor

Los ntawm tus Hau Xeev Governor:

DOUGLAS LA FOLLETTE
Neeg Lis Ntaub Ntawv Hauv Xeev